



**REPUBLIKA E KOSOVËS**  
REPUBLIC OF KOSOVA - REPUBLIKA KOSOVA  
**KOMUNA E GJILANIT**  
MUNICIPAL GJILAN - OPŠTINA GNJILANE - GILAN BELEDIYESI



# **DREJTORIA PËR ZHVILLIM EKONOMIK**

**THIRRJE PUBLIKE**

## **FONDI PËR SUBVENCIONIMIN E BIZNESEVE START-UP DHE BIZNESET EKZISTUESE TË GRAVE 2024**

### **UDHËZUESI PËR APLIKANTËT**

**Autoriteti kontraktues:**

**Komuna e Gjilanit**

**Afati për dorëzimin e aplikacioneve:**

**Nga 20.05.2024 deri me 20.06.2024 ora 16:00**

# Përmbajtja

<b>1. THIRRJA PUBLIKE „FONDI PËR PËR SUBVENCIONIMIN E BIZNESEVE START-UP DHE BIZNESET EKZISTUESE TË GRAVE 2024.....</b>	<b>3</b>
1.1. Synimi Kryesor .....	3
1.2. Synimet specifike .....	3
1.3. Përkrahja financiare publike e ofruar nga autoriteti kontraktues .....	4
1.4. Vlera monetare e granteve .....	4
1.5. Bashkëfinancimi në projekt .....	4
<b>2. RREGULLAT PËR APLIKIM .....</b>	<b>5</b>
2.1. Kriteret dhe dokumentet e nevojshme për aplikim .....	5
2.2. Dokumentet që duhet plotësuar për aplikim .....	5
2.3. Kostot e Kualifikueshme .....	6
2.4. Kostot e pa kualifikueshme .....	7
2.5. Veprimtaritë që nuk kualifikohen .....	8
<b>3. FAZAT E VLERËSIMIT .....</b>	<b>8</b>
<b>4. PROCEDURAT QË DUHEN NDJEKUR PËR APLIKIM .....</b>	<b>9</b>
4.1 Procedurat që duhen ndjekur për aplikim .....	9
4.2 Afati i fundit për aplikim .....	10
4.3 Numri i aplikimeve dhe granteve për aplikantë .....	10
4.4 Informata të mëtutjeshme për aplikim.....	10
4.5 Kohezgjatja dhe Plani i veprimit.....	10
4.6 Nënshkrimi i Kontratës .....	11
4.7 Orari indikativ.....	12

## **1. THIRRJA PUBLIKE „FONDI PËR SUBVENCIONIMIN E BIZNESEVE START-UP DHE BIZNESET EKZISTUESE TË GRAVE 2024**

Komuna e Gjilanit bazuar në mandatin ligjor edhe këtë vit lanson thirrjen publike “Fondin për subvencionimin e bizneseve start-up dhe bizneset të grave që për synim ka promovimin dhe mbështetjen e sektorit privat për zgjerimin e kapaciteteve të bizneseve prodhuese dhe shërbyese, rritjen e konkurrueshmërisë së produkteve dhe shërbimeve, krijimin e vendeve të reja të punës, krijimi i mundësive bizneseve për qasje në financa, zëvendësimi i importeve dhe nxitja e eksportit si dhe zhvillimin e përgjithshëm ekonomik lokal. Për të arritur rezultate të qëndrueshme të zhvillimit ekonomik lokal, është e domosdoshme që të mundësohen forma të reja të prodhimit dhe të teknologjive të reja për të rritur produktivitetin, stabilitetin, dhe qëndrueshmërinë e bizneseve në sistemin e prodhimit, përpunimit dhe shërbimit.

Komuna e Gjilanit dhe Drejtoria për Zhvillim Ekonomik, ka për objektiv të mbështes këto kategori: prodhimin, përpunimin dhe shërbimet. Nga segmenti i prodhimit veçohen (por nuk kufizohet) produktet nga plastika, druri, llamarina, lëkura, prodhimi i ushqimit, artizanalet, pije etj. Ndërsa në kuadër të veprimtarisë së shërbimeve do të përkrahen bizneset si: studiot e marketingut digjital, shërbime filmike dhe të prodhimit, riparim të pajisjeve elektrike, shërbimet e arkitekturës, shërbime estetike, shërbime të programimit etj.

Komuna e Gjilanit përmes këtij fondi mbetet e përkushtuar të mbështesë projektet e qëndrueshme dhe të fuqizoj ato në të bërit biznes si dhe të rrisë kapacitetet e tyre profesionale, menaxheriale për një qëndrueshmëri afatgjate të biznesit.

Komuna e Gjilanit do të organizoj sesion informues për aplikantët potencial / bizneset sa i përket menyres së aplikimit.

### **1.1. Synimi Kryesor**

Kjo thirrje publike ka për synim kryesor zhvillimin e ekonomisë lokale përmes mbështetjes për bizneset dhe krijimin e bizneseve të reja duke ofruar mbështetje në ngritjen e kapaciteteve për bizneset dhe avancime të reja teknologjike në pajisje dhe makineri të nevojshme në procesin e punës. Po ashtu përmes mbështetjes publike dhe krijimit të bizneseve start up synohet zvogëlimi i papunësisë.

### **1.2. Synimet specifike**

- Zvogëlimi i papunësisë përmes krijimit të vendeve të reja të punës, me theks të veçantë për të rinjtë;
- Përkrahja e zhvillimit të bizneseve të reja dhe atyre me potencial në rritje duke i dhënë prioritet bizneseve në fushën e Teknologjisë Informatike dhe Komunikimit (TIK);
- Stimulimi i zhvillimit ekonomik lokal përmes prodhimit dhe përpunimit;

### 1.3. Përkrahja financiare publike e ofruar nga autoriteti kontraktues

Buxheti i kësaj thirrje është 113,000.00€ (njqind e trembëdhjetë mijë e tetëqind euro) që do të ndahet për bizneset start-up dhe bizneset ekzistuese të grave (Ndërmarrjet Mikro dhe të Vogla). Autoriteti Kontraktues rezervon të drejtën të mos shpërndajë të gjitha mjetet në dispozicion, apo të ndryshojë shumën në varësi buxhetore.

Komuna e Gjilanit, bxhetin në dispozicion për vitin 2024, do ta ndajë në dy kategori:

- **LOT 1- Bizneset Start Up;**
- **LOT 2- Biznese ekzistuese të grave (Ndërmarrjet Mikro dhe të Vogla-NMV);**  
Me një qarkullim prej 500,00 € deri në 20,000,00 € nga viti i fundit kalendarik (2023) të dëshmuara nga ATK.

***Sqarim:** Sipas kategorizimit të ATK-së dhe sipas Ligjit Nr. 04/L-220 për Investime të Huaja, ndërmarrjet mikro dhe te vogla kategorizohen:*

1. *Ndërmarrjet mikro prej 0-9 punëtorë;*
2. *Ndërmarrjet e vogla prej 10-49 punëtorë.*

### 1.4. Vlera monetare e granteve

Çdo aplikacion i dorëzuar në këtë thirrje për mbështetje publike duhet të jetë brenda shumave vijuese minimale dhe maksimale:

#### **LOT 1- Start-up**

Nga 1,000.00€ deri në 5,000.00€;

#### **LOT 2- Bizneset ekzistuese të grave (Ndërmarrjet Mikro dhe të Vogla-NMV)**

Nga 2,000.00€ deri në 6,000.00€;

### 1.5. Bashkëfinancimi në projekt

Përqindja e bashkëfinancimit nga aplikantët është obligative. Bashkëfinancimi i nevojshëm në kategorinë Start-up duhet të jete nga 10% deri 20%. Shuma që kërkohet nga Komuna e Gjilanit nuk mund të jetë më pak se 60% e vlerës totale të projekt propozimit.

Bashkëfinancimi i nevojshëm në kategorinë Biznese ekzistuese te grave duhet të jetë nga 30% deri 40%. Shuma që kërkohet nga Komuna e Gjilanit nuk mund të jetë më pak se 60% e vlerës totale të projekt propozimit.

Para nënshkrimit të kontratës do të kërkohet të dëshmohet shuma e bashkëfinancimit përmes llogarisë bankare të aplikantit.

*Kontributi në natyrë nuk konsiderohet bashkëfinancim.*

## **2. RREGULLAT PËR APLIKIM**

Ky udhëzues përcakton rregullat, kushtet dhe kriteret e pranueshme si dhe ato të papranueshme në procesin e thirrjes për mbështetje publike që nga faza e aplikimit, përzgjedhjes dhe implementimit. Në këtë thirrje janë tri kriteret të kualifikueshme:

- Aplikantët që mund të kërkojnë mbështetje publike;
- Veprimtaritë për të cilat mund të jepet mbështetja publike;
- Lloji i kostove që mund të merret në përcaktimin e shumës së mbështetjes publike.

### **2.1.Kriteret e nevojshme për aplikim per LOT 1-Bizneset Start-up**

1. Regjistrimi i biznesit duhet të bëhet para nënshkrimit të kontratës. Bizneset duhet të jenë të regjistruara në Zyrën për Regjistrimin e Bizneseve në Komunën e Gjilanit.
2. Të jetë biznes që operon në Komunën e Gjilanit, ku edhe do të bëhet investimi;
3. Të gjenerojë punësim me marrjen e grantit. Biznesi duhet të punësojë së paku një punonjës me marrjen e grantit. Punësimi i më tepër se një punonjësi për biznesin konsiderohet përparësi,
4. Përparësi kanë bizneset që udhëhiqen nga gratë, të rinjtë nën moshën 35 vjeçare, si dhe komunitetet jo shumicë;
5. Pronari/ja i/e biznesit duhet të jetë banor i Komunës së Gjilanit.

### **2.2. Dokumentet që duhet plotësuar për aplikim LOT 1- Start-up përfshijnë:**

1. Formulari i Aplikimit për LOT 1- Bizneset Start UP; (Shtojca A1)
2. Buxheti dhe burimet e financimit; (Shtojca B)
3. Kopja e dokumenti identifikues personal valid i lëshuar nga Republika e Kosovës;
4. Oferta (Profatura) për pajisjet/makineritë e planifikuara në projekt (*oferta duhet të përmbajë të dhëna të sakta të ofruesit në ofertë dhe të dhëna të sakta të marrësit të ofertës, gjithashtu oferta nuk duhet të jetë më e vjetër se data e shpalljes së kësaj thirrje për mbështetje*). <sup>1</sup> **Ofertat duhet të jenë vetëm në valutën EURO**

***Vërejtje: Dokumentet e listuara më lartë duhet të jenë me dukshmëri të qartë. Dokumentet për aplikim mund të shkarkohen nga web faqja zyrtare të Komunës së Gjilanit.***

---

<sup>1</sup> Për aplikacionet fituese, pas nënshkrimit të kontratës, oferta/profatura nuk mund të ndërrohet pa miratimin e komisionit.

## 2.3 Kriteret e nevojshme për aplikim per LOT 2 - bizneset ekzistuese të grave

1. Të jetë ndërmarrje në pronësi të grave dhe 100% private (sipas definicionit të Kosovës) regjistruar në Kosovë sipas ligjeve të Kosovës.
2. Të jetë i regjistruar për aktivitetet e parapara me veprimin e propozuar në kohën e pranimit të grantit;
3. Të jetë biznes që operon në Komunën e Gjilanit, ku edhe do të bëhet investimi;
4. Të gjenerojë punësim me marrjen e grantit. Biznesi duhet të punësojë së paku një punonjës me marrjen e grantit. Punësimi i më tepër se një punonjësi për biznesin konsiderohet përparësi,
5. Pronarja e biznesit duhet të jetë banore e Komunës së Gjilanit.

## 2.4. Dokumentet që duhet plotësuar për aplikim LOT 2- Bizneset ekzistuese të grave përfshijnë:

1. Formulari i Aplikacionit për bizneset ekzistuese te grave NMV; (Shtojca A2)
2. Buxheti dhe burimet e financimit; (Shtojca B)
3. Kopja e dokumenti identifikues personal valid i lëshuar nga Republika e Kosovës;
4. Certifikatën e regjistrimit të biznesit me të gjitha fletët (informatat përcjellëse) sipas kërkesave të legjislacionit në fuqi në Republikën e Kosovës, certifikata duhet të jetë e re, lëshuar nga ARBK sipas numrit unik identifikues; (e aplikueshme për bizneset ekzistuese të grave)
5. Listën e punëtorëve për vitin e fundit fiskal (2023) të lëshuar nga ATK (mund të nxjerret online nga uebfaqja e ATK-së).
6. Vërtetimi tatimor (jo më i vjetër se data e shpalljes së kesaj thirrje publike me të cilën vërtetohet se aplikuesi nuk ka borxhe aktuale tatimore të pashlyera apo obligime)
7. Dëshmia për qarkullimin financiar për vitin paraprak (2023) nga ATK
8. Oferta (Profatura) për pajisjet/makineritë e planifikuara në projekt (*oferta duhet të përmbajë të dhëna të sakta të ofruesit në ofertë dhe të dhëna të sakta të marrësit të ofertës, gjithashtu oferta nuk duhet të jetë më e vjetër se data e shpalljes së kesaj thirrje për mbështetje*).<sup>1</sup>  
**Ofertat duhet të jenë vetëm në valutën EURO**
9. Foto të objektit ekzistues të biznesit si dhe pajisjeve (fotot duhet të jenë të dukshme qartë).

***Vërejtje: Dokumentet e listuara më lartë duhet të jenë me dukshmëri të qartë. Dokumentet per aplikim, mund të shkarkohen nga web faqja zyrtare e Komunës së Gjilanit.***

## 2.5. Kostot e Kualifikueshme

Llojet vijuese të aktiviteteve në përputhje me synimet e thirrjes llogariten si shpenzime të kualifikueshme, dhe mund të financohen sipas kësaj Thirrjeje Publike:

---

<sup>1</sup> Për aplikacionet fituese, pas nënshkrimit të kontratës, oferta/profatura nuk mund të ndërrohet pa miratimin e komisionit.

Investimet në asete të prekshme që kanë të bëjnë me blerjen e pajisjeve, makinerisë, linjat e prodhimit, softuerë, si dhe të ngjashme apo/dhe përmirësimin e proceseve dhe metodave prodhuese si dhe duke përfshirë asetet që mund t'i ndihmojnë kompanive të jenë më pak të varura nga faktorët e jashtëm.

## **2.6. Kostot e pa kualifikueshme**

Kostot vijuese nuk kualifikohen:

- Borxhet dhe tarifatat e mbulimit të borxhit;
- Provizionet për humbje dhe detyrime potenciale të ardhshme;
- Interesat e borxhit;
- Tatimet në të hyra;
- Shpenzimet e deklaruara nga përfituesi dhe të mbuluara nga ndonjë veprim apo program tjetër pune;
- Blerja e tokës, ndërtimi apo riparimi i stabilimenteve/strukturave (përfshirë stabilimentet e depozitimit apo stabilimente/struktura të ngjashme);
- Humbjet në këmbim të valutës;
- Kreditë ndaj palëve të treta;
- Gjambat, ndëshkimet financiare dhe shpenzimet gjyqësore;
- Kontributet në natyrë;
- Shpenzimet e amortizimit, që normalisht duhet të jenë pjesë e mënyrës në të cilën ndahen fitimet;
- Tarifatat bankare, shpenzimet e garancive dhe tarifa të ngjashme;
- Kostot e artikujve apo pajisjeve të përdorura;
- Pagat dhe medijet;
- Shpenzimet e lëndës së parë;
- Shpenzimet tjera operacionale (qiraja, rryma, uji etj.)
- Automjetet e transportit;
- Shpenzimet e transportit;
- Inventari (Tavolinat, karriget dhe dollapet, në përjashtim ato që ndërlidhen në mënyrë specifike me veprimtarinë)

Nëse kostot e pakualifikueshme arrijnë shumën mbi 20% të vlerës së projektit aplikacioni refuzohet.

Çdo tentim për mashtrim (p.sh. falsifikimi i faturave, blerja e makinave apo pajisjeve të përdorura, etj.) do të ndëshkohet me mos-pagesë të asaj pjese që është subjekt i mashtrimit dhe ndëshkime shtesë deri në përjashtim total nga pagesa, siç parashihet me sistemin ndëshkimor që është pjesë e kontratës.

**Është në interesin e aplikantit të paraqes buxhet realist dhe efektiv për kostot.**

**Komisioni vlerësues në rast se dyshon për çmime të manipuluar dhe jo reale, ka të drejtë të marrë sqarime nga Dogana e Kosovës, ATK dhe inspektoriat i tregut. Në rast se Komisioni konfirmon se çmimet e ofruara në ofertë/a dhe buxhet nuk janë realiste, mundet që aplikacionin ta diskualifikojë për mungesë korrektësie.**

## **2.7. Veprimtaritë që nuk kualifikohen**

**Sektorë që NUK KUALIFIKOHEN për këtë thirrje janë:**

- **TREGTIA** (me pakicë e shumicë),
- **NDËRTIMTARIA,**
- **ARSIMI**
- **SHËNDETËSIA dhe**
- **BUJQËSIA** (*çdo pajisje apo aktivitet që ndërlidhet me fushëveprimtarinë e bujqësisë që financohet nga Drejtoria e Bujqësisë dhe Ministria Bujqësisë, përjashtimisht pajisjet/makineritë për prodhimin dhe përpunimin e produkteve*)

## **3. FAZAT E VLERËSIMIT**

### **3.1. Kontrolli Administrativ**

Në fazën e kontrollit administrativ të aplikacioneve për grante, Komuna e Gjilanit do të shqyrtojë dhe verifikojë aplikacionet e pranuar. Në këtë fazë verifikohet se a janë dorëzuar të gjitha dokumentet e nevojshme të kërkuara në udhëzues.

Në përgjithësi, faza e kontrollit administrativ të programit të grantit është një hap i rëndësishëm për të siguruar që fondet e grantit të shpërndahen në mënyrë të drejtë dhe efektive, dhe që projektet e zgjedhura janë në përputhje me udhëzimet në këtë dokument.

**Aplikimet që nuk kalojnë kontrollin administrative, nuk kalojnë në fazën e dytë të vlerësimit.**

Vlerësimi i Aplikacioneve do të përfshijë një kontroll administrativ për të siguruar që aplikantët kanë përmbushur rregullat e kualifikimit (p.sh. aplikantët janë shtetas të Kosovës, si dhe biznesi është regjistruar në Kosovë dhe vepron në territorin e Komunës së Gjilanit).

### **3.2. Vlerësimi i projekt-propozimit – kriteret**

Projektet që kalojnë fazën e kontrollit administrativ, kalojnë në fazën e vlerësimit të projektit. Kjo fazë do të përfshijë vlerësimin e zbatueshmërisë dhe impaktit të mundshëm të projekteve të propozuara, si dhe rëndësinë e tyre për ekonominë dhe komunitetin lokal.



Procesi i vlerësimit teknik do të konsiderojë nëse aplikacioni demonstroi që ndërmarrja ka perspektivë të mirë të të qenit e suksesshme dhe e qëndrueshme, si dhe që implementimi do të kontribuojë drejt përmbushjes së synimeve të kësaj thirrje publike për të ndihmuar zhvillimin ekonomik lokal.

Vlerësimi bëhet me poentim nga Komisioni Komunal, duke u bazuar në tabelën e më poshtme, e cila rrjedh nga qëllimet e kësaj thirrjeje.

	<b>Pikët</b>
<b>Ideja e biznesit dhe inovacioni</b>	<b>Totali(30 pikë)</b>
Idetë inovative	15 pikë
Potenciali për adresimin e një nevoje ose një problemi real	10 pikë
Potenciali për eksport	5 pikë
<b>Potenciali i tregut dhe përvoja e aplikuesit</b>	<b>Totali(25 pikë)</b>
Madhësia e tregut dhe potenciali i rritjes	10 pikë
Avantazhi konkurrues dhe diferencimi	10 pikë
Përvoja dhe aftësitë përkatëse të aplikuesit	5 pikë
<b>Qëndrueshmëria financiare</b>	<b>Totali(20 pikë)</b>
Parashikime financiare realiste dhe të realizueshme	10 pikë
Potenciali për përfitim dhe qëndrueshmëri afatgjate	10 pikë
<b>Ndikimi social dhe mjedisor</b>	<b>Totali(25 pikë)</b>
Aplikuesi është i moshës 18 deri në 35 vjeç	5 pikë
Projekti ka ndikim pozitiv në ambient	5 pikë
Aplikuesi është grua	5 pikë
Aplikuesi është pjesëtar i komunitetit pakicë	5 pikë
Aplikuesi është me nevoja te veqanta	5 pikë
	<b>TOTALI : 100 Pikë</b>

<sup>1</sup>Kalueshmëria e projektit është mbi 50 pikë.

### 3.3 Kontrolla në terren

Gjatë fazës së kontrollit në terren, komisioni i Komunës së Gjilanit do të vizitojë vendet ku biznesi i zhvillon aktivitetet dhe do të verifikojë nëse gjendja e aplikuesit në terren është në përputhje me projekt-propozimin e dorëzuar nga aplikuesi.

**Nëse nuk ka përputhshmëri në mes të projekt-propozimit dhe gjendjes në terren, projekt propozimi do të skualifikohet.**

## **4. PROCEDURAT QË DUHEN NDJEKUR PËR APLIKIM**

### **4.1 Periudha e aplikimit**

Periudha e aplikimit do të jetë e hapur nga **20.05.2024 deri me 20.06.2024**. Aplikimi bëhet duke plotësuar shtojcat e parapara në pikën 2.2. për LOT 1-Start up dhe 2.4 për LOT 2- Bizneset ekzistuese të grave dhe duke bashkangjitur dokumentet e kërkuara në këto pika të këtij udhëzuesi.

Aplikacionet duhet të plotësohen në formë kompjuterike duke mos ndryshuar formatin e aplikacioneve të dizajnuara nga Komuna e Gjilanit për këtë thirrje. Aplikacionet e shkruara me dorë nuk do të pranohen.

Vetëm formularët e plotësuar me të gjitha informatat relevante në lidhje me veprimtarinë, do të kalojnë për vlerësim.

Në rastet kur ka mos përputhje të vlerave buxhetore në projekt, konfuzitet në përshkrim të projektit dhe gabim në përdorimin e formateve të përcaktuara në thirrjen për propozime, projekti do të skualifikohet.

Komuna e Gjilanit nuk është përgjegjëse për koston që ndërlidhet me përgatitjen e aplikacionit dhe se këto shpenzime nuk janë të pranueshme nëse përfshihen në projekt.

Aplikacionet mund të plotësohen në gjuhën shqipe dhe serbe.

### **4.2 Mënyra e aplikimit dhe afati i fundit për aplikim**

Aplikacionet e kompletuara në një kopje fizike duhet të dorëzohen në zarf të mbyllur në Qendrën për Shërbime me Qytetar (QSHQ), Komuna e Gjilanit me shënimin “FONDI PËR SUBVENCIONIMIN E BIZNESEVE START-UP DHE BIZNESET EKZISTUESE TË GRAVE 2024”, emri i plotë i aplikuesit si dhe LOT-in për të cilin aplikohet.

**Afati i fundit për aplikim është 20.06.2024, në ora 16:00.**

Aplikacionet e pranuar pas përfundimit të këtij afati nuk do të merren parasysh në çfarëdo rrethane.

### **4.3 Numri i aplikimeve**

**Një aplikant nuk mund të dorëzojë më shumë se një aplikacion në këtë thirrje publike.**

Në rast se konstatohet se ndonje aplikant ka dorëzuar më tepër se një aplikacion në këtë Thirrje publike, i/e njejtë do të diskualifikohet. Të gjithë përfituesit (pronaret e bizneseve) që kanë përfituar grante nga Komuna e Gjilanit gjatë vitit 2023 nuk kanë të drejtë aplikimi për këtë thirrje.

#### **4.4 Informata të mëtutjeshme për aplikim**

Drejtoria për Zhvillim Ekonomik do të organizojë sesion informues si dhe do të caktojë zyrtarë përgjegjës për dhënien e informacioneve rreth kësaj thirrje. Megjithatë, pyetjet shitesë mund të dërgohen në email-in: [besart.selimi@rks-gov.net](mailto:besart.selimi@rks-gov.net) më së voni deri më **29.05.2024** deri në ora **16:00**.

Me rastin e parashtrimit të pyetjeve ato duhet të jenë të qarta e të detajuara si dhe duhet specifikuar qartë pyetjen si dhe LOT-in të cilit i referohet pyetja.

DZHE nuk ka për obligim të ofrojë përgjigje të mëtutjeshme ndaj pyetjeve që dorëzohen pas datës **29.05.2024**

#### **4.5 Kohëzgjatja apo plani i veprimit:**

Kohëzgjatja e planifikuar e projektit nuk mund të tejkalojë tre (3) muaj.

#### **4.6. Nënshkrimi i Kontratës dhe Ankesat**

Komuna e Gjilanit do të themelojë komision të pavarur dhe profesional për vlerësimin e aplikacioneve. Pas shqyrtimit të aplikacioneve do të bëhet publikimi i listës preliminare. Pas publikimit të rezultateve preliminare aplikantët e pakënaqur mund të adresojnë ankesa përmes Qendrës për Shërbim me Qytetarë në Komunën e Gjilanit brenda 5 dite nga data e publikimit të rezultateve.

Pas shqyrtimit të ankesave do të bëhet publikimi i listës finale të përfituesve dhe do të bëhet nënshkrimi i kontratave me përfitues.

Pas përzgjedhjes së përfituesve dhe para nënshkrimit të kontratës, përfituesit janë të obliguar që të sigurojnë këto dokumente:

- Konfirmimi nga banka për xhironlogarinë bankare në emër të biznesit.
- Dëshmia bankare për deponimin e mjeteve të bashkëfinancimit.
- Çertifikata e regjistrimit me informatat përcjellëse (për LOT 1-bizneset start up).
- Raporti Kreditor i lëshuar nga Banka Qendrore e Kosovës (për pronarin /pronaret dhe për biznesin).

Pas nënshkrimit të kontrates dhe para transferit të mjeteve në xhirollogari te perfituesit, perfituesi duhet te dorezojne garancion bankar ose nga Kompanitë e sigurimit me kohëzgjatje prej 6 muajve për shumën e grantit të aprovuar nga Komuna e Gjilanit.

#### 4.7 Orari Indikativ

<b>Aktiviteti</b>	<b>Data</b>	<b>Ora</b>	<b>Vendi</b>
1.Hapja per aplikim	20.05.2024		Webfaqe te Komunes se Gjilanit
2. Sesioni informues	23.05.2024	11:00-13:00	Salla e Kuvendit Komunal, Gjilan
3.Afati i fundit per parashtrimin e pyetjeve	29.05.2024	16:00	<a href="mailto:info.gjilani@rks-gov.net">info.gjilani@rks-gov.net</a>
4.Data e fundit qe Autoriteti Kontraktues jep sqarime ne pyetjet e parashtruara	08.06.2024	16:00	Webfaqe te Komunes se Gjilanit
5.Afati i fundit per aplikim	20.06.2024	16:00	Qendra per Sherbim me Qytetar (QSHQ)
6.Publikimi i rezultateve preliminare	19.07.2024		Webfaqe te Komunes se Gjilanit
7. Mbyllja e afatit te ankesave	25.07.2024	16:00	QSHQ
8. Kthimi i pergjigjeve paleve lidhur me ankesa	31.07.2024	08:00-16:00	QSHQ
9 .Nenshkrimi i kontratave	07.08.2024		DZHE, Komuna e Gjilanit